



Broj: 01/14-11-4327-5/24  
Sarajevo, 13.06.2024. godine

Na osnovu člana 70. Zakona o javnim nabavkama BiH ("Službeni glasnik BiH", broj: 39/14 i 59/22), a u vezi sa članom 41. Statuta Grada Sarajeva ("Službene novine Kantona Sarajevo", broj: 7/23), gradonačelnica Grada Sarajeva, donosi

**O D L U K U**  
**o izboru najpovoljnijeg ponuđača putem Pregovaračkog postupka**  
**bez objave obavještenja o nabavci**

**I**

Prihvata se konačna ponuda ponuđača „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, broj ponude:02/24, zaprimljena na protokol ugovornog organa dana 10.06.2024. godine, u postupku provođenja javne nabavke putem Pregovaračkog postupka bez objave obavještenja o nabavci za pružanje usluga „Organizacija javnog dočeka Nove 2025. godine u gradu Sarajevu 30. i 31.12.2024. godine“ sa ponuđenom konačnom cijenom za kompletnu organizaciju događaja za dva dana, što uključuje sve tehničke i ljudske resurse u iznosu od:

679.950,00 KM bez PDV-a, odnosno 795.541,50 KM sa uključenim PDV-om.

**II**

Sa ponuđačem „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, zaključit će se Ugovor o pružanju usluga iz tačke I ove odluke.

**III**

Ova odluka stupa na snagu danom donošenja.

**Obrazloženje:**

Odlukom broj: 01/14-11-4327/24 od 27.05.2024. godine, pokrenut je postupak javne nabavke „Organizacija javnog dočeka Nove 2025. godine u gradu Sarajevu 30. i 31.12.2024. godine“, putem Pregovaračkog postupka bez objave obavještenja o nabavci.

Informacija o pregovaračkom postupku bez objave obavještenja o nabavci broj: 1278-4-2-126-20-1/24 od 27.05.2024. godine i poziv za dostavljanje zahtjeva za učešće, objavljeni su na portalu Agencije za javne nabavke.

Tenderska dokumentacija preuzeta je od strane 3 ponuđača, a među njima i ponuđač „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, koji ima **ekskluzivno pravo - PUNOMOĆ** da zastupa glavne izvođače na dan 30.12.2024. godine- Salvatore Ganacci i 31.12.2024. godine – Severinu Vučković u okviru organizacije javnog dočeka Nove 2025. godine u gradu Sarajevu.

U određenom roku za dostavljanje Zahtjeva za učešće, ponuđač „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, dostavio je Zahtjev za učešće, zaprimljen na protokol ugovornog organa dana 31.05.2024. godine, protokolisan pod brojem: 14-11-4473.

Otvaranje Zahtjeva za učešće izvršeno je na sastanku Komisije za javnu nabavku dana 31.05.2024. godine, imenovane Rješenjem gradonačelnice broj: 01/14-11-4327-2/24 od 27.05.2024. godine.



Komisija za javnu nabavku izvršila je uvid u dostavljeni Zahtjev za učešće te je utvrdila, da je ponuđač „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, dostavio svu traženu dokumentaciju u skladu sa uslovima navedenim u tenderskoj dokumentaciji.

Nakon okončanja prve faze Pregovaračkog postupka bez objave obavještenja o nabavci, ugovorni organ je na portalu Agencije za javne nabavke objavio Poziv za dostavljanje početne cijene ponude i pregovaranje dana 03.06.2024. godine.

Ponuđač „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, dostavio je dana 06.06.2024. godine početnu ponudu, protokolisanu pod brojem: 14-11-4473-1.

Komisija za javnu nabavku izvršila je otvaranje početne ponude dana 06.06.2024. godine, te je utvrdila da cijena početne ponude za: “Organizaciju javnog dočeka Nove 2025. godine u gradu Sarajevu 30. i 31.12.2024. godine, iznosi 679.950,00 KM bez PDV-a, odnosno 795.541,50 KM sa uključenim PDV-om.

Nakon otvaranja početnih ponuda pristupilo se pregovaranju sa predstavnicima ponuđača.

Nakon obavljenih pregovora sa predstavnicima ponuđača usaglašeno je da: ponuđač preuzima obavezu da obezbjedi tehničku opremu, postavljanje bine i scenografiju, fizičko obezbjeđenje angažovanih lica, posjetilaca i događaja, pokretne toalete, da su glavni izvođači na dan 30.12.2024. godine- Salvatore Ganacci i 31.12.2024. godine – Severinu Vučković i Adi Šoše, utvrđen je način plaćanja i cijena, potom promocija događaja u zemlji i regionu, te da u skladu s tim dostavi konačnu ponudu. Također usaglašeno je da će eventualna finansijska sredstva od sponzorskih ugovora preuzeti i Grad Sarajevo i

“ KRALJICA“ d.o.o. Sarajevo, kao Izvršilac- tehnički organizator.

Cijena početne ponude je prihvaćena kao konačna ponuda.

Poziv za dostavljanje konačne ponude objavljen je na portalu Agencije za javne nabavke dana 07.06.2024. godine, kojeg je ponuđač preuzeo, a na osnovu izvještaja sa portala Agencije za javne nabavke.

Ponuđač je dana 10.06.2024. godine dostavio konačnu ponudu protokolisanu na protokol ugovornog organa pod brojem: 14-11-4757.

Otvaranje konačne ponude, izvršeno je na sastanku Komisije za javnu nabavku, dana 10.06.2024. godine.

Komisija za javnu nabavku je utvrdila da je konačna ponuda dostavljena u skladu sa pozivom za dostavljanje konačne ponude te da konačna cijena ponude iznosi 679.950,00 KM bez PDV-a, odnosno 795.541,50 KM sa uključenim PDV-om.

Komisija za javnu nabavku je dana 12.06.2024. godine, sačinila Zapisnik o pregledu i ocjeni ponuda i dala preporuku gradonačelnici da se ugovor o pružanju usluga „Organizacija javnog dočeka Nove 2025. godine u gradu Sarajevu 30. i 31.12.2024. godine“ dodjeli ponuđaču „KRALJICA“ d.o.o. Sarajevo, Ul. Hasana Merdžanovića broj 3, 71320 Vogošća, sa ponuđenom cijenom u iznosu od 679.950,00 KM bez PDV-a, odnosno 795.541,50 KM sa uključenim PDV-om.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Gradonačelnica Grada Sarajeva je prihvatila preporuku Komisije na osnovu koje je donesena ova odluka.

**POUKA O PRAVNOM LIJEKU:** Protiv ove odluke može se uputiti žalba ugovornom organu u pismenoj formi u roku od deset (10) dana od dana prijema iste.

**Gradonačelnica**

Prof. dr. Benjamina Karić

DOSTAVITI:

- Ponuđaču
- a/a

**Za zakonitost odgovaraju:**

**Rukovodilac Stručne službe za poslove kabineta i poslove Gradske uprave:** Dženana Šarčević.